

श्री भेरुजी री कथा प्रथम भाग,

भाईडा सिवरू सुण्डाला गणपत देव,  
बीरुडा सिवरू सुण्डाला गणपत देव,  
रिद्धि सिद्धी ले वेगा आवजो रे जियो,  
अरे भाईडा सिवरू मै तो सरस्वती मात,  
बीरुडा सिवरू मै तो सरस्वती मात,  
पाय लागू रे भेरु देव ने ओ जियो,  
अरे भाईडा लेवा मै तो भेरुजी रो नाम,  
बीरुडा लेवा मै तो भेरुजी रो नाम,  
काला गोरा री गावु वारता रे जियो,  
अरे भाईडा जग में भेरुजी मोटा देव,  
बीरुडा जग में भेरुजी मोटा देव,  
कमरू देश में झगडो जीतनो रे जियो ॥

अरे भाईडा कमरू डाकनीयो वालो देश,  
बीरुडा कमरू डाकनीयो वालो देश,  
कोमन देशो मे झगडो जीतनो रे जियो,  
अरे जटा रो राजा राखे जंतर मीठो बाण,  
जटारो राजा राखे जंतर मीठो बाण,  
रोग जादू नेडो नी आवसी ओ जियो,  
अरे भाई राजा राखे जंतर मीठो बाण,  
बीरुडा राजा राखे जंतर मीठो बाण,  
देवी देवा रो मन हर्षावीयो रे जियो,  
अरे भाईडा जग में भेरुजी मोटा देव,  
बीरुडा जग में भेरुजी मोटा देव,

डाकन भूतनीयो तो आ गेन मेरे जियो ॥

अरे भाईडा दुनिया में एक जादू वालो देश,  
बीरुडा दुनिया में एक जादू वालो देश,  
कमरू देशात उनरो नाम है रे जियो,  
अरे कामरू देश में डाकनीयो रेती चार,  
कामरू देश में डाकनीयो रेती चार,  
जादू टोना ने घणी जानती ओ जियो,  
अरे भाईडा डाकनीया तो रेवे वटे चार,  
बीरुडा डाकनीया तो रेवे वटे चार,  
जादू चलावे उनरे जोर सु ओ जियो,  
अरे भाईडा जग में भेरुजी मोटा देव,  
बीरुडा जग में भेरुजी मोटा देव,  
कमरू देश में झगडो जीतनो रे जियो ॥

अरे भाईडा पेली नारी लुहारन नार,  
बीरुडा पेली नारी लुहारन नार,  
दूजी लूनी चमारन कोमनी रे जियो,  
अरे भाईडा तीजी कपूरी धोबन नार,  
तीजी कपूरी धोबन नार,  
चौथी फुलो लुहारन कामनी रे जियो,  
अरे भाईडा लिनो लिनो जंतर बाण चुराय,  
राजा रो लिनो रे भईडा जंतर बाण चुराय,  
कमरू देश में झगडो मांडीयो रे जियो,  
अरे भाईडा जग में भेरुजी मोटा देव,  
बीरुडा जग में भेरुजी मोटा देव,  
डाकन भूतनीयो तो आ गेन मेरे जियो ॥

अरे भाईडा दुखी हुआ रे देवलोक माय,  
बीरुडा दुखी हुआ रे देवलोक माय,  
कमरू देश में कुन जावसी रे जियो,  
अरे भाईडा बिडलो फरीयो रे सारे देश,  
बीरुडा बिडलो फरीयो रे सारे देश,  
बिडला ने कोई नहीं जेलीयो ओ जियो,  
अरे देवता जावो जावो कामरू रे देश,  
बीरुडा जावो थेतो कमरू वाले देश,  
जायर जंतर बाण लावजो ओ जियो,  
अरे भाईडा जग में भेरुजी मोटा देव,  
बीरुडा जग में भेरुजी मोटा देव,  
कमरू देश में झगडो जीतनो रे जियो ॥

अरे भाईडा काली प्रकटाया दोय देव,  
बीरुडा काली प्रकटाया दोय देव,  
काला गोरा रे भेरु लावीया रे जियो,  
अरे भाईडा शिव रा है अंश रा अवतार,  
भेरुजी शिव रा है अंश रा अवतार,  
भेरु विकराल रूप राखीयो रे जियो,  
अरे ब्रह्मा जी दिनो दिनो भेरु ने वरदान,  
ब्रह्म जी दिनो दिनो भेरु ने वरदान,  
काल तो थारे आगे झूकसी रे जियो,  
अरे भाईडा जग में भेरुजी मोटा देव,  
बीरुडा जग में भेरुजी मोटा देव,  
डाकन भूतनीयो तो आ गेन मेरे जियो ॥

अरे देवता जावो थेतो मोटे कोमन देश,  
बीरुडा थेतो जावो मोटे कोमन देश,

भेरु लावेला जंतर बाण ने रे जियो,  
अरे काली केवे केवे भेरुजी ने बात,  
काली केवे केवे भेरुजी ने बात,  
एक वचन मारो साम्भलो रे जियो,  
अरे भेरु सुनलो कामरू देश री बात,  
भेरु सुनलो कामरू देश री बात,  
कामरू गियोडा पाछ्हा नही वले रे जियो,  
अरे भाईडा जग में भेरुजी मोटा देव बीरुडा,  
जग में भेरुजी मोटा देव,  
कमरू देश में झगडो जीतनो रे जियो ॥

अरे भेरुजी केवे केवे मावडली ने बात,  
भेरुजी केवे केवे मावडली ने बात,  
एक वचन माता साम्भलो रे जियो,  
अरे मावडी धायो धायो थारोडो रे थान,  
मावडी धायो धायो थारोडो रे थान,  
थारो धायो नही लजावसु रे जियो,  
अरे मावडी जावु जावु कामरू रे देश,  
मावडी जावा रे मै तो कामरू रे देश,  
कामरू जायेने झगडो जीतनो रे जियो,  
अरे भाईडा जग में भेरुजी मोटा देव,  
बीरुडा जग में भेरुजी मोटा देव,  
डाकन भूतनीयो तो आ गेन मे रे जियो ॥

अरे भेरुजी जावो जावो कामरू देश रे माय,  
भाईडा जावा जावा कामरू देश रे माय,  
झगडो जीतने वेगा आवजो रे जियो,  
अरे भेरुजी चाल्या रे चाल्या कामरू रे देश,

भेरूजी चाल्या रे भाई कामरू रे देश,  
जाय बागा मे ढालो ढालीयो रे जियो,  
अरे भेरूजी बैठा रे बैठा सरवरिया री पाल,  
भेरूजी बैठा वटे सरवरिया री पाल,  
पाल आयेने आसन मांडीयो रे जियो,  
अरे भाईडा जग में भेरूजी मोटा देव,  
बीरुडा जग में भेरूजी मोटा देव,  
डाकन भूतनीयो तो आ गेन मे रे जियो ॥

अरे भाईडा पिनहारी तो आयी रे पिनघट माथे,  
बीरुडा पिनहारी तो आयी रे पिनघट माय,  
काला गोरा रे भेरू देखीया रे जियो,  
अरे भेरूजी जावे जावे पिनहारी रे पास,  
भेरूजी जावे पिनहारी रे पास,  
जाय पिनहारीयो ने पूछ्न लागीया रे जियो,  
अरे पिनहारीया कटे रे डाकनीयो रो मकान,  
पिनहारीया कटे रे डाकनीयो रो मकान,  
काई रे लागे रे थारे कामनी रे जियो,  
अरे भाईडा जग में भेरूजी मोटा देव,  
बीरुडा जग में भेरूजी मोटा देव,  
डाकन भूतनीयो तो आ गेन मे रे जियो ॥

अरे मानवी वेगा वेगा थेतो पाछ्हा जावो,  
मानवी वेगा वेगा थेतो पाछ्हा जावो,  
आतो डाकनीयो वालो देश है रे जियो,  
अरे मानवी थेतो थारे पाछ्हा घर जावो,  
मानवी थेतो थारे पाछ्हा घर जावो,  
अरे डाकनीयो भूतनीयो रेवे देश में रे जियो,

अरे भेरुजी लिनी लिनी रे सारी मटकी फोड़,  
भेरुजी लिनी भाईडा सारी मटकी फोड़,  
छोकरीयो ने मारे बूरी मार सु रे जियो,  
अरे भाईडा जग में भेरुजी मोटा देव,  
बीरुडा जग में भेरुजी मोटा देव,  
डाकन भूतनीयो तो आ गेन मेरे जियो ॥

अरे छोकरीया रोती रोती जावे माता रे पास,  
छोकरीया रोती रोती जावे माता रे पास,  
जायर माता ने दुखडो सुनावीयो रे जियो,  
अरे भाईडा डाकन किनो जादू वालो ध्यान,  
बीरुडा डाकन किनो जादू वालो ध्यान,  
काला गोरा भेरु ने देखीयो रे जियो,  
अरे भाईडा जग में भेरुजी मोटा देव,  
बीरुडा जग में भेरुजी मोटा देव,  
डाकन भूतनीयो तो आ गेन मेरे जियो ॥

अरे कालो भेरु केवे गोरा भेरु ने बात,  
कालो भेरु केवे गोरा भेरु ने बात,  
एक बातडली रे मारी साम्मलो रे जियो,  
अरे गोराजी जावो जावो जादू नगरी माय,  
अरे गोराजी जावो थेतो कामरू नगरी माय,  
चारो डाकनीयो रो पतो लगावजो रे जियो,  
अरे भेरुजी चाल्या रे चाल्या नगरी रे माय,  
भेरुजी चाल्या रे भाई नगरी रे माय,  
दौडचा जावे रे नगरी मायने रे जियो,  
अरे भाईडा जग में भेरुजी मोटा देव,  
बीरुडा जग में भेरुजी मोटा देव,

डाकन भूतनीयो तो आ गेन मेरे जियो ॥

अरे गोराजी आया रे आया नगरी रे माय,  
गोराजी आया रे आया नगरी रे माय,  
पेलो लाली लुहारन पुचीयो रे जियो,  
अरे गोराजी आवो आवो करूँ मनवार,  
गोराजी आवो आवो करूँ मनवार,  
लाली करसी रे थोडी चाकरी रे जियो,  
अरे गोराजी घणी मै तो करसु मनवार,  
गोराजी घणी मै तो करसु मनवार,  
मारे देश आया पावना रे जियो,  
अरे भाईडा जग में भेरूजी मोटा देव,  
बीरूडा जग में भेरूजी मोटा देव,  
डाकन भूतनीयो तो आ गेन मेरे जियो ॥

अरे भाईडा भेरू रो तो लोदीयो बनाय,  
बीरूडा भेरू रो तो लोदीयो बनाय,  
लाली थपायो हथोडो जोर रो रे जियो,  
अरे गोराजी ने मारे मारे हथोडा री मार,  
गोराजी ने मारे मारे हथोडा री मार,  
भेरू पुकारे हेलो साम्बलो रे जियो,  
अरे गोराजी ने पेला मारे हथोडा री मार,  
गोराजी ने पेला मारे हथोडा री मार,  
मारे मार ने भेरू बनावीयो रे जियो,  
अरे भाईडा जग में भेरूजी मोटा देव,  
बीरूडा जग में भेरूजी मोटा देव,  
डाकन भूतनीयो तो आ गेन मेरे जियो ॥

अरे गोरो आयो आयो सरवरीया री घाट,  
 बीरुडा गोरो आयो सरवरीया री घाट,  
 धोबन कपुरी कपडा धोवती रे जियो,  
 अरे धोबन किनो जादू ने रे याद,  
 धोबन किनो जादू ने रे याद,  
 भेरु ने भाटो रे बनावीयो रे जियो,  
 अरे धोबन कपड़ा धोवे रे मोरो माय,  
 धोबन कपड़ा धोवे रे मोरो माय,  
 चमडी उतारे मोरो मायली रे जियो,  
 अरे भाईडा जग में भेरुजी मोटा देव,  
 बीरुडा जग में भेरुजी मोटा देव,  
 कमरू देश में झगडो जीतनो रे जियो ॥

अरे भेरुजी आया आया गोंगी घर आय,  
 भेरुजी आया आया गोंगी घर आय,  
 गोंगी तो दिना रे बेल बनाय ने रे जियो,  
 अरे गोराजी आया आया लूनी चमारन हाट,  
 गोराजी आया आया लूनी चमारन हाट,  
 कोडा मारे रे घणा जोर रा रे जियो,  
 अरे गोरो करे करे काली माँ ने याद,  
 गोरो करे करे काली माँ ने याद,  
 काली माँ गोरा रे वेला आवजो रे जियो,  
 अरे भाईडा जग में भेरुजी मोटा देव,  
 बीरुडा जग में भेरुजी मोटा देव,  
 डाकन भूतनीयो तो आ गेन मे रे जियो ॥

कथा का दूसरा भाग अगली पोस्ट में

गायक

चुन्नीलाल जी राजपुरोहित एवं नीता जी नायक ।

प्रेषक मनीष सीरवी

9640557818

Source: <https://www.bharattemples.com/bheruji-katha-part-one/>



# Bharat Temples

Complete Bhajans Collections - Download Free Android App

[https://play.google.com/store/apps/details?id=com.numetive\\_bhajans](https://play.google.com/store/apps/details?id=com.numetive_bhajans)

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>